

## **Luhya - Sayiranga Akahandikwa - Praying Scriptures**

**Yohana 6:63 (Yesu) Omwoyo nikwo okurelanga obulamu.**

**AbaEfeso 6:12 Okhuba amabwi keefwe shikali akokhulwana nemibili namabanga ta, habula khulwananga noburuchi, nende obunyali, nende abaruchi beshialo shino eshilimwo eshiilma**

**Genesis 2:7 OMWAMI Nyasay.e nalonga omundu olufu Iweliloba, nafuuramwo mumooluke emiuyachie chiobulamu; omundu naba omwoyo\* okuli nobulamu**

**Ayubu 34:22 Bubulaho obumali, kata eshiilima ti ewa abakholi bobumayaanu beebisa ta.**

**Tsitsabuli 18:39 - 1 AbaKorinzo 15:22-26 Okhuba shinga bosi olwa bafwila muAdamu, nolwa bosi balalamusibwa muKristo bario. Ne buli mundu mutsisinjitsie; mbu Kristo ouli omurongole; mana khukhwitsakhwe, abo abali baKristo. Mana obumaliilishi bwitsa olwa alakaamila Nyasaye Samwana obwami; olwa alaba niyaakamiye oburuchi bwosi, nende obukhulundu nende obunyali. Okhuba khatimba aruche, okhuula olwa alaba nareele abasukube bosi hasi wamakuluke. Ne omusuku oulahelelesia okhutibibwa nokhufwa.**

**Tsitsabuli 34:18 OMWAMI abeetsanga ahambi khubeenabo aba emiyo chiabwe chitubuuushe, nabahonia aba tsiroho tsiabwe tsiinyushile.**

**Tsitsabuli 55:18 - 1 Yohana 4:4 [Kristo] shichila ouli mwinywe ashila oyo ouli mushialo. [Setani]**

**Tsitsabuli 91:11 Shichila alalachilisia abamalaikabe khukoko, okhukhulinda munjilatsio tsiosi.**

**Tsitsabuli 143:8,10 - Yohana 14:26 Nebutswa Omuhotseresia, niye Omwoyo Omutsienukhu, owa Papa aliruma mulira lianje, alimwibalila amakuwa kosi, naye alimusimulusia kosi aka ndali khumubolela.**

**Isaya 55:7 Omumayaanu aleshe injilaye, noyo oubula obulunjishi aleshe amapaaroke; amukalushile OMWAMI, naye alamubeela tsimbabasi; khandi khuNyasaye weefwe, okhuba alamuleshela elala.**

**Hosea 4:12 Abandu banje basaba obuchesiyyi hashisaala shiabwe; indabushi yabwe yibakalusia amakalusio; okhuba roho yobuheyi yibashiamiye, nibalekha Nyasaye wabwe okhulonda khubuheyi.**

**Matsayo 4:10,11 Mana Yesu namusunjila mbu Hwaho, Setani; shichila liahandiikwa mbu Omwinamilenje Omwami Nyasayewo, nomukhalabanila ye yenylene. 11 Mana Setani namulekha, ne lola, abamalaika nibeetsa nibamukhalabanila.**

**Matsayo 5:44 Nasi emusunjila mbu Heelenje abasuku beenywe, nimubasaayila abamusakania.**

**Luka 1:79 Okhubaashila abeekhalanga mushiilima khandi mushiinikha shioluumbe; okhwibaalila ebilenje bieefwe munjila yomulembe.**

**Luka 9:1 Mana yalanga abo Ekhumi-nababili halala, nabaheellesia amaani nende obunyalii khumadimoni kosi, khandi nende okhuhonia obulwale.**

**Luka 10:18,19 Naye nabasunjila ari Ndamuluutsi Setani nakwile shinga oluhenu, okhurula mwikulu. 19 Lole, ndamuhee obunyalii okhuseena khunzokha nende khumakatia, nende khubunyalii bwosi bwomusuku oyo, kata shibulaho eshilamusaalisiakhwo ta.**

**Yohana 1:51 Namubolela, Siahene, siahene, nkhubolelanga, Mulilo likulu nilikukha, nabamalaika ba Nyasaye nibaninanga khandi nibekhanga khu Mwana-womundu.**

**Yohana 3:16-19 16 Okhuba Nyasaye yayanza buyanza abo musibala, yahana Omwana uwe owebulwa, omundu oba namusubila aratiba, nebutswa abe nobulamu oburahwa. 17 Okhuba Nyasaye siyaruma Omwana uwe nusibala akhalakile abo musibala esina; nebutswa abo musibala bahonere khuye. 18 Omundu osubilanga khuye siakhalakilwa esina: oramusubilanga waseya okhukhalakilwa, sikila siyasubila khulira lio Mwana owebulwa omutelwa wa Nyasaye. 19 Yikhwo nikhwu okhukhalakilwa, sikila obulafu bwitile musibala, nabandu baynza esilima okhuyomba obulafu; sikila emilimo chiabwe chali emibi.**

**Yohana 4:10,13,14 Jesu namukalusia nam'bolela, Olaba nomanyile esihanwa esia Nyasaye, khandi obwali okhuboleye, Mbe khwo nyue; khane usabile uyo, ne khane ukhuheye amatsi yaka akobulamu. Jesu namukalusia nam'bolela, Siomundu onyuetsanga amatsi yaka yakhatola obuluho khandi; 14 nebutswa onyuetsanga amatsi aka ndimuha ise, kakhabe muye esitaho siamatsi akasenukhanga khubulamu oburahwa.**

**Yohana 4:23,24 Nebutswa inyinga yitsanga, nayo eli ho luno, olwabekayakayi batoto baliekayakaya Ppa mumwoyo nende toto: okhuba Papa arunanga abandu singa yaba babe abekayakayi babe. 24 Nyasaye abetsanga Omwoyo: nabo abamwekayakaya kahel'le okhumwekayakaya mumwoyo nende tot:**

**Yohana 4:34 Jesu nababolela, Ebiokhulia bianje bibetsanga okhukhola obulalilo bwowanruma, khandi okhumalilisia emilimo chichie.**

**Yohana 5:24 Siahene, Siahene, mmubolelanga, Ohulilanga amakuwa kanje, nasubira khuye owanruma, ali nobulamu oburahwa, ne sialihalakilwa esina, nebutswa waseya okhurula mukhufwa wainjila mubulamu. (Ezekiel 3:18)**

**Yohana 5:28,29 Muratsenya khu yaka; sikila esaa yitsanga eyabandu bosi**

abali mubilindwa balihulira omwoyo kukwe, 29 ne balirula mwo; abalikhukhola bulahi mukhusimukukha khwobulamu; nabali khukhola obubi mukhusimukukha khwokhukhalakilwa esina.

**Yohana 6:28,29 Nibam'bolela, Khukhole mbwena khutitikhanire emilimo kia Nyasaye? 29 Jesu nabakalusia nabbolela, Yikwo nikwo omulimo kwa Nyasaye, musubile khuye owa yaruma. (1 AbaKorinzo 15:58)**

**Yohana 6:37,38 Bosi aba Papa yambetsanga, betsanga khu ise; naye owitsa khu ise , sindamusula tawe hati. 38 Sikila sindikha okhurula mwikulu okhukhola obulalilo obwowanebutswa obulalilo obowanruma.**

**Yohana 6:45 Kahandikwa mubitabu biabarobi: Abandu bosi Nyasaye alibebalila. Siomundu ohuliye Papa, niyekele , yettsanga khu ise.**

**Yohana 7:17 Omundu naba nahukil'la okhukhola obulalilo bubwe, alamanya okwibala, nikhuba nikhuli okhwa Nyasaye, nohomba nimba nimbolanga khubwanje. (AbaHeburania 13:21)**

**Yohana 7:38 Osubilanga khu ise, singa obwa kahandikwa, munsi mundu mumwe mulirula mwo emichela tsiamatsi kobulamu.**

**Yohana 8:10,11 Jesu natikulukha, namubolela, Omukhasi, bali hena? Abula ho mulala okhukhalagiye esina noho? 11 Namukalisia, Omwami. Siali ho kata mulala. Jesu nam'bole'la, Nase sinkhukhalakila esina: tsia ouwe; okhurula luno orakhola oubi khandi tawe.**

**Yohana 8:24 Kho ndamubolela, Mulifwa mu tsimbi tsienyuwe: sikila muba murasubila ise ndi niye, mwakhafwe mu tsimbi tsienyuwe. (Ezekieli 3:18)**

**Yohana 8:31-36 Kho Jesu nabolela Abayahudi abasubiye khuye, Inyuwe muba nimumanya mumakuwa kanje, mwakhabe abeki banje ba toto; 32 nenyuwe mwakhamanya aka toto, naka toto kakhakila nimuba abalakhule. 33 Nibamukalusia, Khuli abolwibulo Iwe Ibrahim, khusili okhuba mubuhambe khumundu kata mulala: nawe obolanga mbwena, Mulilakhulwa? 34 Jesu nabbolela, Siahene, siahene, mmubolelanga, Siomundu okholanga nomusumba we tsimbi. 35 Omusumba siamenyanga munyuba amatukhu kosi tawe; omwana amenyanga amatukhu kosi, 36 Omwana naba namulakhula, siahene mwakhalakhulwe.**

**Yohana 8:43-47 Busina muramenya okhuboa khwanje? Skila simunyala okhuhulila amakuwa kanje. 44 Inyuwe muli aba papa wenyuwe, Setani, nokwekomba khwe senyuwe tuyanzanga okhukhola. Yabetsanga omwiri-wabandu okhurula oleokhuranga, siasinjila muka toto, sikila aka toto sikila muye. Nyinga abolanga abubehi, abola khububwe sikila mbolanga amakuwe sikila nomubehi, khandi niye samwana obubehi. 45 Nebutswa sikila mbolanga aka toto, simumbukil'la tawe. 46 Ni wina khu inyuwe oribulanga ndi ne tsimbi? Nimba nibola aka toto, busina simusubula? 47 Oli owa Nyasaye ahulilanga amakuwa ka Nyasaye: khulwa yaka**

**simukahulilanga, sikila simuli aba Nyasaye.**

**Yohana 8:51 Siahene, siahene mmubolelanga, Omundu naba nafumira likhuwa lianje, sialilola okhufwa enihika tsiosi.**

**Yohana 9:3,4 Jesu nabakalusia, Uyo siayakhola tsimbi, kata abebuli babe: nebutswa emilimo tsia Nyasaye tsimanyikhe kol'lani muye. 4 Kakhuhel'le okhukhola emilimo kiowanruma, ngusili om'basu: onutukhu nabwitse, nilwo olwomundu siyakhanyaala okhukhola emilimo.**

**Yohana 9:11 Nibakalusia, Omundu olangungwa Jesu, alombere litozi, niyambakha tsimoni tsianje, niyambolela, Tsia khu Siloam, wesabe: kho ninzia nindasaba, ma nindola okuhenga. (Revelation 3:18)**

**Yohana 10:1-13 Siahene, siahene, mmubolenga, Omundu orengil'la musilibwa siesikuli siamakondi, nebutswa naninila elubeka Lundi, watsana nomwibi, khandi omwikul'li. 2 Nebutswa owingilanga musilibwa nomeyi wamakondi. 3 Omulindi amwigulila; namakondi kahulilanga omwoyo kukwe: ne alanganga amakondi kake sie likondi nelira lialio, nakemel'la esioba. 4 Nyinga ahinisie esioba akake kosi, ma yemela imberi wako, namakondi kamulonda: sikila kamany omwoyo kukwe. 5 Nomugeni sikakhamulonde, nebutswa kakhamwilukha: sikila sikamumanya omwoyo hwebandu abcheni. 6 Olukano yilu Jesu yali okhubabolela: nebutswa sibabolela sibamanyilisia amamkuwa akababoleye. 7 Kho Jesu nababolela khandi, Siahene, siahene, mmubolelanga, Ise nise esilibwa siamakondi. 8 Bosi abali okwitsa imbeli wanje nabebi nende abekul'li: nebutswa amakondi sikabahulila. 9 Ise nise esilibwa, nay alengira, narula esioba, ne yakhanyola obwayolo. 10 Omwibi yetsa, yebe, yere, akhuye: ise ndetsa batole obulamu, babe n'nabwo obwingi. 11 Ise nise omwayi omulahi: omwayi omulahi ahana obulamu bubwe khulwamakondi. 12 Uyo oli orungungwa, orali omwayi, orali omwene-makondi, nalutsi ingwe yitsange, alekha amakondi, yelukha, ne ingwe eketsumba, ekasalania: 13 yelukha, sikila norungungwa, ne siahendelanga amakondi.**

**Yohana 10:39 Kho nibaruna khandi okhumufumira: narula mumikhono tsiabwe.**

**Yohana 11:43,44 Nyinga yali nabolye yaka, nalangisia nomoyo omukali, Lazaro, rula esioba. 44 Watsana owali naefwiye yarula esioba, nabohelwe ebilenje nemikhono ne tsingubo etsia yali nareyuwe n'natsio; ne mumoni mumwe mubohelwe nesitambaya. Jesu nababolela, Mum'boholole, atsie.**

**Yohana 12:17 Omukanda okwali halala n'naye olwa yalanga Lazaro okhurula musilindwa, namusimukusia okhurula mubafwa baribula yako.**

**Yohana 12:27 Luno omwoyo kwanje kuhendanga; nambole mbwena? Papa, usole khusaa yiyi. Nebutswa sikila khumakuwa yaka, niko akakila ninzitsa khusaa yiyi. (Colossians 4:12)**

**Yohana 12:31,32 Luno okhukhalakilwa khwesibala isi esina khwholele: luno omukhongo wesibala isi alafubwa esioba. 32 Nase, nimba nindiakyikhwa ikulu musibala, ndikwesa abandu bosi khu ise.**

**Yohana 12:47 Omundu naba nahulila amakuwa kanje, narakakhola, sindamukhalakila esina tawe: okhuba sindaitsa okhukhalakila abo musibala esina, nebutswa okhuhania abo musibala.**

**Yohana 13:2 Olwa bali bali mbali mwilia ebiokhulia, Satani naseyere okhura mumwoyo kwa Judasi Iskariota, omwana wa Simoni okhumusieman,**

**Yohana 13:27 Kholwanyuma Iwesironge, nilwo olwa Setani yamwingila. Jesu nam'bolela, Yaka aka nokhole, khola bwangu.**

**Yohana 13:21 Nyiga Jesu yali naboye yaka, yahenda omwoyo, naribula, nabola Siahene, siahene, mmubolalenga, omulala khu inyuwe nayansieman,**

**Yohana 13:34,35 Lilako lihia mmuheresia, bu tuyanzane; ol'la ise ndamuyanza, ne inyuwe tuyanzane mbuo. 35 Khu yaka abandu bosi bakhamanya iyuwe muli abeki banje, muba muli nobuyanzi abene nabene**

**Yohana 14:1 Murahende emiyo tsienyuwe; musubile khu Nyasaye, subila khu ise khandi.**

**Yohana 14:26,27 Nebutswa Omuhotseresia, niye Omwoyo Omutsienuku, owa Papa aliruma mulira lianje, alimwibalila amakuwa kosi, naye alimusimulusia kosi aka ndali khumubolela. 27 Emilembe mmulekhele; emilembe tsianje mmuheresia: sikila ol'la esibala sihana, mbananga khu inyuwe. Murahenda omwoyo, nohomba muraria.**

**Yohana 15:15 Simulanga abasumba khandi tawe; sikila omusumba siamanyanga esiomwami uwe akholanga: nebutswa mmulangle abalina; sikila kosi aka ndali khuhulila khu Papa wanje ndamuribul'langa.**

**Yohana 15:20-27 Mwitsulile likhuwa elia ndali khumubolela, Omusumba sial omukhongo okhuyomba omwami uwe. Mbaba mbakhupia ise esibi, nenyuwe bakhamukhupia esibi; mbaba mbafumira amakuwa kanje, nakedyuwe bakhakafumire. 21 Nebutswa yaka kosi balimukholela khulwelira lianje, sikila sibamanya owanruma. 22 Ndaba ndabula okwitsa okhubol'lana n; nabo, khane sibali ne tsimbi: nebutswa luno sibali nobwesambaki khu tsimbi tsiabwe. 23 Omundu oumbihil'lwanga ise, abihil'lwanga Papa wanje khandi. 24 Ndaba ndabula okhukhola mumoni mwabwe emilimo ekiomundu undi arakholanga khwo, khane sibaling ne tsimbi: nebutswa luno baseyere okhulola khandi okhubihil'lwa use nende Papa wanje fwembi. 25 Nebutswa yaka kali mbuo, amakuwa akahandikwa mumuse kwabwe kekhole, Bambihil'lwanga sila esifune. 26 Nebutswa nyanga Omuhoteresia alitsa, owa ndiruma okhurula wa Papa, niye olingobokhela: 27 ne inyuwe khandi mungobokhelanga, sikila**

**mwabetsanga n'nase halala okhurula olwokhuramga.**

**Yohana 16:6-15** Nebutswa sikila mmunoleye, esibela sihambilre emioyo tsienyuwe. 7 Nebutwa aka mmubolelanga naka toto: Kambel'le nzie; okhuba nimba ninratsia, Omuhotsereia siyakhetse khu inyuwe. 8 naye, nyina yahetse, alibula khubo musibala tsimbi, nobulunji, nokhukhalaga esina: 9 acae tsimbi sikila sibasubila khu ise; 10 akobulunji, sikila nzia wa Papa, ne simundola khandi tawe: 11 akokhukhalaga esina, sikila omukhongo wesibala isi waseya okhukhalakilwa esina. 12 Nsili namakuwa amenji akokhumubolela, nebutswa simunyala okhukahulila luno. 13 Nebutswa nyina uyo, Omwoyo wa toto, alitsa, alimwibalila aka toto kosi: okhuba sialibola khububwe; nebutswa akalihulila, niko akalobla: namakuwa akalitsa yakhamuribulile. 14 Naye alimfumia ise: sikila alibukula khukanje, alikamuribulila. 15 Kosi aka Papa ali n'nako nakanje: sikila mbuo mboye, abukulanga khukanje, ne alikamuribulila. (Tsitsabuli 73:24)

**Yohana 16:20,22** Siahene, siahene, mmubolelanga, inyuwe mulilakaya khandi mulilila, nebutswa abo musibala nabasangale: ne inyuwe mwakhabe nesibela, nebutswa esibala sienyuwe siakhagalukhanibwa obusangali. 22 Ne inyuwe mbuo luno muli nesibela nebutswa ndakhamulole khandi, ma mulisangala mumioyo kienyuwe, nobusangali bwenyuwe siali ho ohinia khu inyuwe.

**Yohana 17:2** Singa obwa wamuha, abaheresie omunwa khbandu bosi, mbu bosi aba wali khumuha, abaheresia obulamu oburahwa.

**Yohana 17:15** Sinsayanga obahinie musibala, nebutswa obalinde khumubi.

**Yohana 17:20,21** Ne sibali yaba bonyene aba nsayiranga, nebutswa yaba khandi abakhansubila khulwamakuwa kabwe: 21 kho bosi balabe mulala; singa obwe ibe, Papa, obetsanga mu ise, nase mbetsanga mu ibe, mbuo nabo babe mu ifwe; abo musibala basubile niwe owanruma. (Philippians 1:27)

**Yohana 19:11** Jesu namukalusia, Khane sioli nomunwa khu ise, noraheyuwe okurulire mwikulu: khulwe yaka uyo owambana mumakhono kako, ali nobubi okhuyomba.

**AbaRoma 6:23** Okhuba omushaara kwobwoneoni nokhufwa; ne eshihaanwa shiaNyasye nobulamu bwobumeli muKristo Yesu Omwami weefwe.

**1 AbaKorinzo 15:22-26** Okhuba shinga bosi olwa bafwila muAdamu, nolwa bosi balalamusibwa muKristo bario. Ne buli mundu mutsisinjitsie; mbu Kristo ouli omurongole; mana khukhwitsakhwe, abo abali baKristo. Mana obumaliilishi bwitsa olwa alakaamila Nyasye Samwana obwami; olwa alaba niyaakamiye oburuchi bwosi, nende obukhulundu nende obunyali. Okhuba khatimba aruche, okhuula olwa alaba nareele abasukube bosi hasi

wamakuluke. Ne omusuku oulahelelesia okhutibibwa nokhufwa.

**2 AbaKorinzo 7:10** Okhuba eshibeela eshia Nyasaye achama shileera obwikalukhasii obuchooma khubuhonia, niburaleera obwisirali ta; ne eshibeela sheishialo shileera okhufwa.

**AbaEfeso 6:11-18** Mwifwale ebimanulwa biosi biaNyasaye, mbu muniale okhuyinga obubatsa bwaSetani. Okhuba amabwi keefwe shikali akokhulwana nemibili namabanga ta, habula khulwananga noburuchi, nende obunyali, nende abaruchi beshialo shino eshilimwo eshiilma,...nimwiboyile mubishienje bieenywe obwatieeli, nimwifwalile khubilifu eshitsengwa shiobulunjishi, nimwifwalile mubilenje bieenywe obwirecheshi khulwa injiili yomulembe. Ne halala nende ako kosi mubukule ingabo yobusuubili, eya munyala okhusimilia orubano rwosi rwomubii, orwakha omulilo. Bukule nende ikuutwa yobuhonia, nende olukanga IwaRoho, nilwo likhuwa liaNyasaye; halala nende okhusaba khwosi nokhusaaya; sabenje buli Iwosi muRoho, nimuba meeso.

**AbaKolosai 1:13,14** Yakhuhonia mubwami bweshiilima, nakhuhuyia nakhuleera mubwami bwOmwawane omuheelwa; ne muye khunyoolela obununulwi bweefwe, nibwo obuleshelwi bwebionoono bieefwe.

**2 AbaTsesalonika 3:16a** Ne bulaano Omwami womulembe omwene amuheesinjie omulembe tsindaalo tsiosi, munjila tsiosi.

**2 Timotseo 1:9,10** Ye yakhuhonia, nakhulanga omulango omutakatifu; shikhiali khulwa ebikhole bieefwe shinga olwa bili ta, habula khulwa tsiyemitsie nende obukoosiabwe shinga olwa bili, ebia khwaheebwa muKristo Yesu okhurula khubumeli; ne bulaano bimanyishiile mukhulolekha khwOmuuhonia weefwe Kristo Yesu, owatibia okhufwa nabisula obulamu nende oburabola ta khulwa injiili.

**AbaHeburania 1:14** Abo bosi shibali abaroho abakhalabani, abarumwa okhukhalabananga khulwabo abaleenjisibwa mubuhonia?

**AbaHeburania 2:18** Shichila olwa omwene yasaalila mubuteemwi, anyala okhubahabina abateemungwa.

**1 Yohana 3:14** Khumanyile shinga olwa khwarula mukhufwa nikhwijila mubulamu, shichila khuheelanga abalangwa mbu abaana beefwe. Ouraheelanga ta amenyanga mukhufwa.

**1 Yohana 5:11b** ... Nyasaye yakuheeleisia obulamu bwobumeli; nabwo obulamu obwo buli muMwanawe.